

四川通志

四十五

四川通志

四十五

江苏工业学院图书馆
藏书章

四川通志卷之四十五

藝文

雜著

漢司馬相如諭巴蜀檄

告巴蜀太守蠻夷自擅不討之日久矣時

大夫陛下卽位存撫天下安集中國然後興師出

兵北征匈奴單于怖駭交臂受虜精和康居

西域重譯納貢稽顙來享後師東出相誅右

弔番禺太子入朝南夷之君西燹之長常効貢職

不敢墮怠延頸舉踵喁喁然皆嚮風慕義欲為臣
妾道里遼遠山川阻深不能自致夫不順者已誅
而為善者未賞故遣中郎將往賓之發巴蜀士民
各五百人以奉幣帛衛使者不然靡有兵革之事
戰鬪之患今聞其乃發軍與制驚懼子弟憂患長
老郡又擅為轉粟運輸皆非陛下之意也當行者

或亡逃自賊殺亦非人臣之節也夫邊郡之士聞
將舉燧燔皆攝弓而馳荷兵而走流汗相屬惟恐
居後觸白刃冒流矢義不返顧計不旋踵人懷怒
心如報私讐彼豈樂死惡生非編列之民與巴
蜀異主哉計深慮遠急國家之難而樂盡人臣之
道也故有剖符之封析圭而爵位為通侯居列東
第終則遺顯號於後世傳土地於子孫行事甚忠
敬居位甚安逸名聲施於無窮功烈著而不滅是
以賢人君子肝腦塗中原膏液潤野草而不辭也
今奉幣使至南夷即自賊殺或亡逃抵誅身死無
名論為至愚耻及父母為天下笑人之度量相越
豈不遠哉然此非獨行者之罪也父兄之教不先
子弟之率不謹寡廉鮮恥而俗不長厚也其被刑
戮不亦宜乎陛下患使者有司之若彼悼不肖愚
民之如此故遣信使曉諭百姓以發卒之事因數
之以不忠死亡之罪讓三老孝弟以不教誨之過
方今田疇重煩百姓以親見近縣恐遠所答谷山
澤之民不遍聞檄到亟下縣道使咸諭陛下意無

怨

難蜀父老

漢興七十有八載德茂存乎六世威武紛紜湛恩汪濊羣生沾濡洋溢乎方外

於是乃命使西征隨流而攘風之所被罔不披靡

因朝冉從駝定筭存叩畧斯榆舉包蒲結軌還轅

東鄉將報至於蜀都耆老大夫縉紳先生之徒二

十有七人儼然造焉辭畢進曰蓋聞天子之於四

裔也其義羈縻勿絕而已今罷三郡之上通夜郎

之塗三年於茲而功不竟士卒勞倦民不贍今

又接之以西南夷百姓力屈恐不能卒業此亦使

者之累也竊為左右患之且夫邛笮西焚之與中

國並也歷年滋多不可記已仁者不以德來強者

不以力并意者其殆不可乎今割齊民以附戎翟

敝所恃以事無用鄙人固陋不識所謂使者曰烏

謂此乎必若所云則是蜀不變服而巴不化俗也

僕尚惡聞若說然斯事體大固非觀者之所覲也

蓋世必有非常之人然後有非常之事有非常之

四庫全書 卷之四十五 雜著

事然後有非常之功夫非常者常人之所異也故曰非常之原黎民懼焉及臻厥成天下晏如也昔者洪水沸出汜濫衍溢民人升降移徙崎嶇而不安夏后氏感之乃堙洪塞源決江疏河漉沈澹災東歸之於海而天下永寧當斯之勤豈惟民哉心煩於慮而身親其勞躬胼胝無腴膚不生毛故休烈顯乎無窮聲稱浹乎來茲且夫賢君之踐位也豈特委瑣齷齪拘文牽俗循誦習傳當世取說云爾哉必將崇論閎議創業垂統爲萬世規故馳騫乎兼容並包而勤思乎參天貳地且詩不云乎普天之下莫非王土率土之濱莫非王臣是以六合之內八方之外浸淫衍溢懷生之物有不浸潤於澤者賢君耻之今封疆之內冠帶之倫咸獲嘉祉靡有遺闕矣而遠方殊族之國遼絕異黨之域舟車不通人跡罕至政教未加流風猶徼內之則時犯義侵禮於邊境外之則邪行橫作放殺其上君臣易位尊卑失序父老不幸幼孤爲捕擄係縲號泣內向而怨曰蓋聞中國有至仁焉德洋恩普物

不得其所今獨曷爲遺已舉踵思慕若枯旱之
 望雨矣夫爲之垂涕况乎上聖又焉能已故此出
 師以討匈奴南馳使以誚勁越四面風德二方之
 郡鱗集仰流願得受號者以億計故乃關沫若微
 牂牁鑿靈山梁孫原創道德之塗垂仁義之統將
 博恩廣施遠撫長駕使疏逖不閉乎習爽闡昧得
 耀乎光明以偃甲兵於此而息討伐於彼遐邇一
 體中外禔福不亦康乎夫拯民於沈溺奉至尊之
 休德反衰世之陵夷繼周氏之絕業夫子之亟務
 也百姓雖勞又惡可以已乎哉且夫王者固未有
 不始於勞勤而終於佚樂者也然則受命之符合
 在於此方將增泰山之封加梁父之事鳴和鸞揚
 樂頌上咸五下登三觀者未覩指聽者未聞音猶
 鷓鴣已翔乎寥廓之宇而羅者猶視乎藪澤悲夫
 於是諸大夫茫然喪其所懷來喟然並稱曰允哉
 漢德此鄙人之所願聞也百姓雖勞請以身先之
 蜀漢諸葛亮與羣下教
 夫叅署者集衆思廣忠益也
 若遠小嫌難相違覆曠闕損

四
卷之四
三
矣違覆而得中猶棄敝躡而獲珠玉然人心苦不能盡惟徐元直處茲不感又董幼宰參署七年事有不至至於十反來相啓告苟能慕元直之十一幼宰之殷勤有忠於國則亮可少過矣 昔初交州平屢聞得失後交元直勤見啟誨前參事於幼宰每言則盡後從事於偉度數有諫止雖姿性鄙暗不能悉納然與此四子終始好合示足以明其不疑於直言也

唐 高 子昂對利害三事

臣見九道出大使巡按天下申黜陟求人瘼臣謂計有未

盡也且陛下發使必欲使百姓知天子夙夜憂勤之也羣臣知考績而任之也姦暴不逞知將除之也則莫如擇仁可以恤孤明可以振滯剛不避彊禦知足以照姦者然後以爲使故輜軒未動而天下翹然待之矣今使且未出道路之人皆爲指笑欲望進賢退不肖豈可得耶宰相奉詔書有遣使之名無任使之實使愈出天下愈敝徒令百姓治道路送往迎來不見其益也臣願陛下更遣

重風槩爲衆推者因御前殿以使者之禮禮之諄諄戒勅所以出使之意乃授以節自京師及州縣登拔才良求人瘼宣布上意令若家見而戶曉昔堯舜不下席而化天下蓋黜陟幽明能折衷者陛下知難得人則不如少出使彼煩數而無益於化是烹小鮮而數撓之矣又刺史縣令政教之首陛下布德澤下詔書必待刺史縣令謹宣而奉行之不得其人則委棄有司掛牆屋耳百姓安得知之一州得才刺史十萬戶賴其福得不才刺史十萬戶受其困國家興衰在此職也今吏部調縣令如補一尉但計資考不求賢良有如不次用人則天下囂然相謗矣徂於常而不變也故庸人皆任縣令教化之陵遲顧不甚哉又天下有危機禍福因之而生機靜則有福動則有禍百姓安則樂生不安則輕生者是也今軍旅之弊夫妻不得安父子不相養五六年矣自劔南盡河隴山東由青徐曹汴河北舉滄瀛趙鄭或困水旱或頓兵役死亡流離畧盡尚賴陛下憫其失職凡兵戎調發一切罷

之使人得妻子相見父兄相保可謂能靜其機也然臣恐將相有貪攘外之利以廣地疆武說陛下者欲動其機機動則禍構宜修文德去刑罰勸農桑以息疲民蠻夷知中國有聖王必重譯至矣

諫雅州討生羌書

竊聞國家欲開蜀山自雅州道入討生羌因以襲擊吐蕃執事

者不審圖其利害遂發梁鳳巴蜒兵以徇之臣愚以爲西蜀之禍自此結矣臣聞亂生必由怨起雅州邊羌未嘗一日爲盜今無罪受戮其怨必甚怨甚懼誅必蜂駭西山西山盜起則蜀之邊邑不得不連兵備守兵久不解則蜀之禍構矣東漢喪敗亂始諸羌此一驗也吐蕃黠獫君臣相信而多姦謀抗天誅者二十餘年大戰則大勝小戰則小勝未嘗敗一隊亡一矢前日薛仁貴郭大封以十萬衆敗於大非之川一甲不返李敬元劉審禮舉十八萬衆困於青海之澤是時精甲勇士勢如雲雷然竟不能擒一戎馘一魄至今而關隴以空今乃欲建李處一爲上將驅疲兵襲不可幸之吐蕃

爲賊笑二。驗也。且夫秦惠王欲帝天下而并諸侯以爲不取
蜀勢未可舉乃用張儀計飾美女謫金牛因閉以
啖蜀侯蜀侯果貪其利使五丁力士鑿山通谷棧
褒斜置道於秦自是險阻不關山谷不閉張儀躡
踵乘便縱兵大破之蜀侯誅賓邑滅至今蜀爲中
州是貪利而亾三驗也臣聞吐蕃愛蜀之珍富思
盜之久矣然其勢不能舉者徒以山川阻絕障隘
不通頓餓餓不得噬今邊羌開險道使其收奔亡
之種爲嚮道以攻邊是爲賊除道舉全蜀以遺之
此四驗也蜀爲西南一都會國家之寶府又人富
粟多順江而下可以兼濟中國今執事者乃圖僥
倖之利以事西羌得西羌地不足以稼穡財不足
以富國徒殺無辜之衆以傷陛下之仁糜費隨之
無益聖德五驗也夫蜀所恃有險也蜀所安無役
也今國家乃開其險役其人險開則便寇人役則
傷財臣恐未及見羌而奸盜在其中矣異時益州
長史李崇真託言吐蕃寇松州天子爲盛出師趨

轉餉以備之未二三年巴蜀二十餘州騷然大弊
不見一賊而崇丘奸賊已鉅萬今得非有奸臣圖
利復以生羌爲資六驗也且蜀人阨劣不習兵戰
一虜持矛百人不敢當又山川阻曠去中夏精兵
處遠今國家若擊西羌掩吐蕃途能破滅其國奴
虜其人使其君長係首北闕計亦可矣若不卽如
此臣方見蜀之邊陲不守而爲羌夷所橫暴昔辛
有見被髮而祭伊川者以爲不出百年此其爲戎
乎臣恐不及百年而蜀爲戎七驗也且國家近者
廢安化拔單于棄龜茲放疏勒天下翕然謂之盛
蓋以陛下務在仁不在廣務在養不在殺將以此
息邊鄙休兵甲行乎三皇五帝之事者也今乃徇
貪夫之議誅無罪之羌而貽全蜀之患此臣所未
驗者也况當今山東饑鬪隴壟弊歷歲枯旱人有流
亡誠陛下寧靜思和天人之時不可動甲兵興大
役以自生亂又兩軍失守邊人駭動情有不安今
復驅此兵段之不測小人徒知議攘外之利非當
王之至體也善爲天下者計大而不計小務德而

不務刑圖其安則思其危謀其利則慮其害然後長享福祿願陛下熟計之

李德裕論維州事狀

右臣頃蒙先朝授劍南西川節度使其悉怛謀雖是吐蕃

酋長久樂皇風將彼堅城降臣當道臣差行維州刺史虞藏儉便領兵馬入據其城飛章以聞先帝驚喜其時與臣仇者望風疾臣遽興疑言上罔宸聽以爲與吐蕃盟約不可背之必恐將此爲詞侵犯却境遂詔臣却還此城兼執送悉怛謀等令彼自戮復降中行迫促送還昔白起殺降終於柱郵致禍陳湯見按是爲郅支報仇感歎前事愧心終日今者幸逢英主泰備台司輒敢追論伏希審察且維州據高山絕頂三面臨江在戎虜平州之衝是漢地八邊之路初河隴盡沒唯此州獨存吐蕃潛將婦人嫁與此州門子二十年後兩男長成竊開壘門引兵而入遂爲所滅號無憂城從此得併方於西邊更無虞於南路憑陵近甸旰食累朝貞元中韋臯以經畧河湟此城爲始盡銳萬旅急攻

數年吐蕃愛惜既甚遣其舅論莽熱來救雉堞高峻臨衝難及於層霄鳥徑屈蟠猛士多麋於礪石莫展公輪之巧空擒莽熱而還及南蠻負恩掃地驅刦臣初到西蜀衆心未安外揚國威中緝邊備其維州熟臣信令乃送款與臣臣告之須俟奏報貴探情偽其悉但謀等尊帥城兵并州印甲仗塞途相繼空壘來歸臣卽大出牙兵受其降禮南蠻在列莫敢仰視况西山八國隔在此州比帶使名都成虛語諸羌久苦番中徵役願作王人自維州降後皆云但得臣信牒帖子便相率內屬其蕃界合水棲鷄等城旣失險阻自須抽歸可滅八處鎮兵坐收千餘里舊地臣見此有莫大之利爲恢復之機所以面許奏聞各加酬賞臣自與錦袍金帶顯視朝旨且吐蕃維州未降以前一年猶圍逼魯州以此言之豈守盟約况臣未嘗用兵攻取彼自感化來降又沮議之人豈思事實大戎遲鈍土曠人稀每欲乘秋犯邊皆須數歲聚食臣得維州逾月未有一使入疆自此之後必應破膽豈有慮其

復怨鼓此游辭臣受降之初指天爲誓寧忍將三百餘人性命棄信累表陳論乞垂矜舍答詔嚴切竟令執還加以監被三木與於竹畚及將卽路竟叫嗚呼將吏對臣無不隕涕其却送者更遭蕃帥譏誚云旣以降彼何須送來乃却將此降人戮於漠界之上恣行殘忍周固攜離至乃擲其嬰孩承以槍槩臣聞楚靈誘殺蠻子春秋明譏周文收送鄧叔簡冊致貶况乎大國負此異族塞中款之路快凶虐之情從古以來未有此事伏惟仁聖文武至誠大孝皇帝陛下振睿聖之宏圖得懷來之上策故南蠻申請朝之願北虜効款塞之誠臣實痛惜悉怛謀等舉誠向化解辦歸義而未加昆邪之爵不賞庶其之功翻以忠愛徒爲仇讐所快身遭此酷名又不彰職由愚臣陷此非罪雖時更一紀而運屬千年臣所以具陳根本不憚繁細冀蒙睿鑒追獎忠魂伏乞宣付中書各加褒贈冀華夷感德幽顯伸冤警旣往之倖心激將來之峻節臣德裕無任懇願之至謹錄奏聞伏候勅旨

王象之蜀山考

金陵隨筆云蜀人繪蜀山作六圖一名峩眉去嘉州峩眉縣百里為

六山之最自白水寺登山初二十里有石磴可登

又二十里多無路以木為梯行二三里方着實地

又二十里有雷洞始到光相寺則峩眉絕頂其上

樹木禽鳥多與平地異天氣尤不同九月初已下

雪應綿衣絮衾用盡而終夜燈火山上火煮飯不

熟飢食皆從白水寺造上所謂光相錦雲天燈陰

雪不見一曰青城山中有六道宮丈人觀上清宮

為最五宮觀皆在山之麓五里至上清又至成都

山則為半山至大面山則為山之巔大面山後即

老人村不可通矣一曰錦屏今閬州城南五山峙

立江南如屏有浙間山川之狀有讀書巖乃陳堯

叟兄翁讀書之地一曰赤甲白鹽在今夔門濫瀕

之兩岸水流其中而兩山東之大率如蜀之門戶

一曰劔門關古所謂劔關之險有大劔小劔之號

往往山皆北向有劔鋒之狀而道出兩山之間有

關使以司之一曰巫山今夔州巫山縣之東十二

峯不是一面生江遠此山周
遭十二峯故人繪爲一圖爾

蜀水考

四瀆惟江最大發於岷經夔荆達揚而入
於海此江之原也自蜀而言江之外其水

有七出於綿之神泉曰綿水出於什邡之章維山
曰雒水分流於永康之湔堰曰湔水綿水自綿竹

紫巖山經德陽雒水自什邡入雒湔水經導江崇
寧九隴濛陽亦入雒三水皆合於雒自雒經懷安

簡資富順至瀘與江水會總曰內水發源於江油
之清川經綿潼遂東至於合曰涪水發源於沔之

青泥嶺經大安利閬果至合於涪水會曰嘉陵水
發源於小巴嶺經巴蓬之伏虞西南以至於渠曰

巴水出萬頃池經明通又至渠與巴水合曰渠水
巴渠二水既合經廣安新明至合於嘉陵涪水會

以達於渝而江始大此七水與江別合之大畧也
若分流於夷中入中國以附於江者有三曰青衣

曰羊山曰馬湖青衣出岷山經嚴道洪雅夾江而
下羊山出鐵豹嶺經漢源至嘉定之南與青衣水